



Broj: 04 – 1380 -2/23
Datum: 01.08.2023.godine

Na osnovu člana 17. tačka f. Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 1/23 i 19/23), člana 27. tačka d) Statuta Zavoda za zapošljavanje Brčko distrikta BiH – prečišćen tekst (br.04-111/20 i 04-1372/20), i člana 17. stav (4) Pravilnika o mjerama za podsticaj zapošljavanja – prečišćen tekst (br. 04-115/20 i 04-170/23), a u skladu s Odlukom Vlade Brčko distrikta BiH o usvajanju Programa samozapošljavanja u poljoprivredi na području Brčko distrikta BiH u 2023. godini (broj: 13-001145/23, broj akta: 01.11-0323MB-019/23 od 19.07.2023. godine), Upravni odbor Zavoda za zapošljavanje Brčko distrikta BiH, na svojoj 6 redovnoj sjednici, održanoj dana 31.07.2023. godine, donosi Odluku (br.04-1380/23), da se objavi

JAVNI POZIV

za prijavu po Programu samozapošljavanja u poljoprivredi na području Brčko distrikta BiH u 2023. godini

1. SVRHA PROGRAMA

Svrha Programa samozapošljavanja u poljoprivredi na području Brčko distrikta BiH u 2023. godini (u daljem tekstu: Program) je doprinos razvoju poljoprivrede Brčko distrikta BiH u vidu finansijske podrške za lica koja žele započeti ili su započela poljoprivrednu proizvodnju, kroz stvaranje uslova za samozapošljavanje lica koja se nalaze na evidenciji Zavoda za zapošljavanje Brčko distrikta BiH (u daljem tekstu: Zavod) i lica koja su registrovala poslovnu djelatnost u 2023. godini na području Brčko distrikta BiH, s tim da su se prije registracije poslovne djelatnosti vodila na evidenciji lica koja aktivno traže zaposlenje (nezaposlenih lica).

2. KORISNICI PROGRAMA IZ JAVNOG POZIVA

- (1) Korisnici Programa mogu biti nezaposlena lica koja ispunjavaju opšte kriterijume iz ovog Programa, i koja su prošla obuku iz oblasti preduzetništva po ovom Programu ili su prošla obuku po Programu samozapošljavanja u poljoprivredi na području Brčko distrikta BiH u 2018., 2019., 2020., 2021. ili 2022. godini koju je organizovalo Odjeljenje za poljoprivredu, šumarstvo i vodoprivredu (u daljem tekstu: Odjeljenje), ili su prošla obuku po Programu samozapošljavanja iz 2015., 2016., 2017., 2018., 2019., 2020., 2021. ili 2022. godine koju je organizovalo Odjeljenje za privredni razvoj, sport i kulturu.
- (2) Odjeljenje će osigurati organizaciju i izvođenje obuke za aplikante navedene u poglavlju 2., pod tačkom (1) ovog Javnog poziva.
- (3) Opšti kriterijumi za izbor korisnika Programa, navedenih pod tačkom (1) ovog poglavlja su:
 - a) da lice ima prijavljeno prebivalište na području Brčko distrikta BiH, najkraće od 31.12.2019. godine;
 - b) da se lice nalazi na evidenciji lica koja aktivno traže zaposlenje (nezaposlenih lica) na Zavodu, izuzev lica navedenih pod tačkom (4) poglavlja 2. ovog Javnog poziva, koja su registrovala poslovnu djelatnost u 2023. godini, i koja su bila obavezna do momenta registracije djelatnosti da se vode na evidenciji lica koja aktivno traže zaposlenje (nezaposlenih lica) Zavoda;
 - c) da lice pokreće djelatnost iz oblasti poljoprivrede i to:
 - 1) ulaganja u primarnu poljoprivrednu proizvodnju (u biljnu i stočarsku proizvodnju - nabavka ili tov životinja, kupovina i sadnja višegodišnjih biljaka),
 - 2) ulaganja u preradu poljoprivrednih i ribljih proizvoda (mlijeka i mliječnih proizvoda, prerade mesa, ribe, prerade voća i povrća, pčelinjih proizvoda), začinskog, medonosnog i ljekovitog bilja,



- 3) izgradnja, obnova i/ili rekonstrukcija poljoprivrednih objekata i infrastrukture povezane uz poljoprivredni potencijal,
 - 4) kupovina mehanizacije i opreme za poljoprivrednu proizvodnju.
- d) da je lice upisano u Registar poljoprivrednih gazdinstava Odjeljenja, što se dokazuje potvrdom o upisu;
 - e) da lice ima dokaz o pravu vlasništva ili pravu korištenja poljoprivrednog zemljišta isključivo na teritoriji Distrikta.
- (4) Korisnici Programa mogu biti i lica koja su registrovala poslovnu djelatnost u 2023. godini, s tim da su se prije registracije poslovne djelatnosti vodila na evidenciji lica koja aktivno traže zaposlenje (nezaposlenih lica) Zavoda;
 - (5) Broj lica koja će biti obuhvaćena ovim Programom biće usklađen sa raspoloživim sredstvima;
 - (6) Sredstva po ovom Programu se ne mogu koristiti za upis u sudski registar preduzeća.

3. LICA KOJA NE MOGU UČESTVOVATI U PROGRAMU

- (1) U Programu ne mogu učestvovati:
 - a) lica koja imaju suvlasničke dijelove u firmama;
 - b) članovi upravnih i nadzornih odbora u javnim preduzećima i javnim ustanovama;
 - c) lica protiv kojih se vodi krivični postupak;
 - d) lica koja se ne nalaze na evidenciji lica koja aktivno traže zaposlenje (nezaposlenih lica) Zavoda, izuzev lica navedenih pod tačkom (4) poglavlja 2. ovog Javnog poziva;
 - e) lica ili članovi njihovih domaćinstava (suprug/a, djeca ili roditelji) koja su već koristila sredstva po programu samozapošljavanja Odjeljenja i Odjeljenja za privredni razvoj, sport i kulturu, osim u slučaju da je ugovor o samozapošljavanju istekao i da lice, koje ostvari podsticajna sredstva po ovom Programu neće obavljati istu djelatnost koju je obavljalo, odnosno, onu djelatnost koju je obavljao neko od članova njegovog domaćinstva i za istu je ostvario podsticajna sredstva;
 - f) lica koja su u periodu od 12 mjeseci prije objavljivanja Javnog poziva odjavila registrovanu djelatnost.
- (2) Kriterijumi navedeni u poglavlju 3. tačka (1) su eliminatornog karaktera i zahtjevi koje podnesu navedena lica se neće uzimati u razmatranje.

4. SREDSTVA ZA REALIZACIJU PROGRAMA

- (1) Ukupan iznos sredstava za realizaciju Programa iznosi 581.200,00 KM, a struktura finansijske konstrukcije je, kako slijedi:
 - 500.000,00 KM za finansiranje Programa obezbijedena Budžetom Brčko distrikta BiH za 2023. godinu na ekonomskom kodu 614100 - Tekući transferi drugim i istim nivoima vlasti – Tekući transferi za javne fondove „Transfer Zavodu za zapošljavanje Brčko distrikta BiH za realizaciju Programa samozapošljavanja u poljoprivredi po prijedlogu programa Odjeljenja za poljoprivredu, šumarstvo i vodoprivredu“,
 - 81.200,00 KM neiskorištena sredstva po Programu samozapošljavanja u poljoprivredi na području Brčko distrikta BiH u 2022. godini, po Zaključku Vlade Brčko distrikta BiH, broj predmeta: 13-001433/22, broj akta: 01.11-0323SR-031/23 od 28.04.2023. godine
- (2) Iznos sredstava po jednom projektu za aplikante iz poglavlja 2. ovog Javnog poziva ne može biti veći od 22.000,00KM.



- (3) Zavod može, nakon upisa u sudski registar i zaključivanja ugovora, odabranim korisnicima isplatiti 30 % odobrenog iznosa, a preostali iznos nakon pravdanja odobrenih sredstava dostavljanjem odgovarajuće dokumentacije.

5. REALIZACIJA PROGRAMA

Program će biti realizovan:

- (1) Sačinjavanjem i objavom Javnog poziva, od strane Zavoda, za učešće u Programu, isključivo putem web-stranice Zavoda a objavu vrši i Odjeljenje, putem web-stranice Odjeljenja.
- (2) Javnim pozivom, koji je integralan, što podrazumijeva da se prijavom na Javni poziv aplikanti prijavljuju i na obuku iz oblasti preduzetništva s ciljem osposobljavanja za pripremu i izradu poslovnog plana, nakon koje slijedi izbor aplikanata koji imaju najbolje poslovne ideje razrađene poslovnim planom.
- (3) Lica koja su završila obuku iz oblasti preduzetništva u poljoprivredi koju je organizovalo Odjeljenje po Programu samozapošljavanja u poljoprivredi na području Brčko distrikta BiH u 2018., 2019., 2020., 2021. i 2022. godine, i lica koja su prošla obuku po Programu samozapošljavanja iz 2015., 2016., 2017., 2018., 2019., 2020., 2021. i 2022. godine koju je organizovalo Odjeljenje za privredni razvoj, sport i kulturu, kao i lica navedena pod tačkom (4) poglavlja 2., nisu obavezna prisustvovati obuci koju će organizovati Odjeljenje po ovom Programu, ali ukoliko žele, navedenoj obuci mogu prisustvovati.
- (4) Zavod će aplikante obavijestiti o terminu održavanja edukacije, koja će trajati 5 dana, isključivo putem web-stranice Zavoda, kao i Odjeljenje putem web-stranice Odjeljenja.
- (5) Aplikanti koji podnose prijavu po Programu samozapošljavanja, uz istu prilažu izjavu o ispunjavanju uslova iz Javnog poziva.
- (6) Aplikanti koji su bili u obavezi da pohađaju obuke, kao i aplikanti koji nisu bili u obavezi pohađati obuke te aplikanti navedeni u poglavlju 2. pod tačkom (4) dužni su lično dostaviti poslovni plan Zavodu, putem protokola Zavoda, u roku od 15 dana nakon sprovedene obuke.
- (7) Komisiju za ocjenjivanje i kontrolu korisnika sredstava (u daljem tekstu: Komisija) će činiti dva predstavnika Odjeljenja i jedan predstavnik Zavoda, koju imenuje šef Odjeljenja. Rad Komisije će biti definisan Poslovníkom o radu Komisije, koji ista usvaja na svom prvom zasjedanju.
- (8) Komisija je dužna, u roku od 30 dana (od dana zaprimanja poslovnih planova) razmotriti i rangirati prispjele aplikacije prema kriterijumima.
- (9) Kriterijumi na osnovu kojih će se vrednovati aplikacije su:
 - a) značaj projekta i njegov doprinos poboljšanju uslova za razvoj – ocjena poslovne ideje;
 - b) vrsta djelatnosti;
 - c) doprinos projekta stvaranju uslova za zapošljavanje i mogućnost dodatnog zapošljavanja u naredne dvije godine;
 - d) ocjena poslovnog plana;
 - e) obezbijeđeno sufinansiranje projekta iz sopstvenih i iz drugih izvora kako novčano tako i materijalno;
 - f) obezbijeđena ekonomičnost projekta – održivost projekta;
 - g) sporazumi, predugovori za saradnju i posao, postojanje tržišta za djelatnost kojom se namjerava baviti.
- (10) Na osnovu navedenih kriterijuma, Komisija je dužna da kreira obrazac za vrednovanje pristiglih poslovnih planova. Svaki od gore navedenih kriterijuma mogu biti vrednovani sa, minimalno 5, odnosno maksimalno 10 bodova, od strane svakog člana Komisije pojedinačno.
- (11) Komisija sačinjava prijedlog liste o rangiranju aplikanata iz poglavlja 2. tačka (1) i aplikanata iz poglavlja 2. tačka (4) ovog Javnog poziva, koju objavljuje na oglasnoj tabli i web-stranici Zavoda i Odjeljenja. Lista sadrži ime i prezime aplikanta, broj bodova i predložene iznose. Na predloženu listu se može uložiti prigovor u roku od 7 dana od dana objavljivanja.
- (12) Prigovor se podnosi Upravnom odboru Zavoda, putem protokola Zavoda.



- (13) Pristigle prigovore Zavod dostavlja Komisiji, iz poglavlja 5. tačka (7) ovog Javnog poziva, na razmatranje i očitovanje, koje Komisija pismenim putem dostavlja Upravnom odboru Zavoda, uz usmenu prezentaciju predsjednika Komisije.
- (14) Nakon donošenja konačne odluke Upravnog odbora Zavoda po prigovoru/ima, Komisija iz poglavlja 5., tačka (7), utvrđuje konačnu listu rangiranih kandidata, koja će biti objavljena na oglasnoj tabli i web stranici Zavoda i Odjeljenja.
- (15) Nakon donošenja konačne liste rangiranih kandidata, Zavod sa istima zaključuje ugovor o dodjeli novčanih sredstava za finansiranje po ovom Programu.

6. OBAVEZE KORISNIKA SREDSTAVA

- (1) Obaveze Korisnika sredstava navedene su, kako slijedi:
 - a) korisnici Programa iz poglavlja 2. tačka (1), ovog Javnog poziva, da dvije godine nakon datuma izdavanja sudskog rješenja o osnivanju poslovnog subjekta, aktivno obavljaju djelatnost za koju su registrovani, a korisnici Programa iz poglavlja 2. tačka (4), ovog Javnog poziva, da dvije godine nakon potpisivanja ugovora sa Zavodom, aktivno obavljaju djelatnost za koju su registrovani;
 - b) redovno izmiruju obaveze po osnovu poreza i doprinosa;
 - c) ukoliko korisnik sredstava ne ispoštuje ugovorene obaveze, neće moći učestvovati u programima samozapošljavanja koji se finansiraju iz Budžeta Brčko distrikta BiH u narednih pet godina;
 - d) Zavod može, u skladu sa Zakonom o finansijskom poslovanju Brčko distrikta BiH, ugovoriti da mu korisnik sredstava preda neki od instrumenata obezbjeđenja ili da povrat sredstava obezbijedi na neki drugi način u skladu sa zakonom;
 - e) ukoliko korisnik sredstava ne ispoštuje ugovorne obaveze, ima obavezu da vrati cjelokupan iznos dobijenih sredstava;
 - f) rok u kojem sredstva moraju biti utrošena određuje se ugovorom zaključenim između Zavoda i Korisnika;
 - g) sve što nije definisano ovim Programom, a može biti od značaja za uspješnu realizaciju Programa, regulisaće se ugovorom zaključenim između Zavoda i Korisnika.

7. ROK ZA PODNOŠENJE ZAHTJEVA

Javni poziv traje deset dana i počinje teći od 01.08.2023. godine i završava se 11.08.2023. godine, a biće objavljen na web stranici Zavoda i Odjeljenja.

- (1) Tekst Javnog poziva i prijavu sa priložima zainteresovana lica mogu preuzeti sa web stranice Zavoda www.zzzbrcko.org ili u Zavodu, kao i sa stranice Odjeljenja.
- (2) Aplikant, prijavu na Javni poziv (sa Izjavom), predaje lično na protokol Zavodu, zaključno sa 11.08.2023. godine do 15:00 časova.
- (3) Dodatne informacije mogu se dobiti direktno u Zavodu ili u Odjeljenju.
- (4) Nepotpune i neblagovremeno dostavljene prijave smatraće se nevažećima.
- (5) O rezultatima Javnog poziva aplikanti će biti obaviješteni putem oglasne table i web stranice Zavoda i Odjeljenja.

Predsjednik Upravnog odbora
/ Ilija Goričkić, dipl. oec. /